

۱ تموز
۱۳۴۱

تورک تاریخ انجمنی

مجموعہ سی



قونیه موزه‌سنده ایکی کتابه

صوك كونلرده غزتهلرده قونیه موزه‌سنه نقل ایدلمش اولان ایکی کتابه‌دن بحث اولوندی.

بونلردن بری آناطولی سلجوقیلرندن قیلج آرسلان ثالث نامنه اولوب آلتی یوز تاریخلیدر. مذکور موزه‌نك ۲۲۲ نومروسنده متید بولان و قسماً قیریق اولان بو طاشده شو عباره قازلمشدر :

.....

رکن الدین والدین ابوالفتح قلیج ارسلان بن سلیمان ...

امر عماره هذالبرج الامیر الاسفہسا لارالا

جل سراج الدین والدین احمد بن اسمعیل

تاریخ ستایه

بو کتابه‌ده قلیج آرسلان ثالثه پدری سلیمان شاه کبی (رکن الدین) عنوانی ویرلش ظن اولنه‌بیلیر ایسه‌ده اغلب احتمال برج کتابه‌سی رکن الدین سلیمان شاه نامنه یا بلقده ایکن وقوع ارتحالی ایله قلیج آرسلان ثالث نامنه تحویل اولنمشدر.

توقادملکی ملک قاهر سلیمان‌شاه پدری طرفندن برادرلرینه تملیک اولتان ممالکی برر برر ضبط ایتمش و ۵۹۳ سنه‌سنده قونیه‌نی سلطان کیخسرو اولدن آله‌رق ملک‌کدن سلطان‌غہ چیقمش و اک زیاده مقاومت ایدن انکوره ملکی محی الدین مسعودی‌ده استیان ایتدیکی حالده اعدام ایلمش و اندن صوکره ارضرومی بنی سلقدن آله‌رق آلبستانی الدن آلدینی برادری مغیث الدین طغرله ویرمش و بووجهله آناطولی سلجوقی دولتک وحدت اصلیه‌سی تأمین ایله کرجستان سفرینه کیدوب ارضروم‌ده پاسبینلرده کائن اونیک (۱) قلمه‌سی اوکنده اولامظفر اولمش ایکن بالآخره

(۱) بو قلمه‌نک اصل اسمی هاونیک‌در . بعضاً ابونیک‌ده دیمشدر .

مغلوب اولش و منكسراً قونيه عودتنده آلتى يوز سنه سنده ارتحال ايتمشدر .
 ابن بى بى آلتى يوز برديور ايسهده بو كتابه تام آلتى يوز اولديغنى مؤيددر .
 سراج الدين احمد، (اميرالاسفهلار) عنوانندن استدلالاً دانشمندی ملو كندن
 اولان اسماعيلك اوغليدر ديه بيليرز . نته كيم دانشمندی ملو كندن ياغى بسانك
 اوج اوغلى مظفر محمود، ظهيرالدين ايلي، بدرالدين يوسف (۲) اودورده سلجوقى
 اوج بلكرندن ايدى . فقط ابن بى بى مختصر نده بوسراج الدين بن اسمعيلك اسمى كچمز .
 سلجوقيلر اسبارطه يني (ابن بى بى ده سېرته) (۳) قيلج آرسلان ثالث زماننده
 آچمشدر . بو كتابه قونيه ده صاحب آتا جامعى باغچه سنده بولمشدر .

ايكنجى كتابه موسيو قه مان هو آر Clément Huart ك (كوچك آسيا عربجه (۴)
 كتابه لرى) آدى اترنده ۴۷ نومروده محرردر . قونيه بلديسى طرفندن ساربان باشى عنبر
 رئيس تره سنك هدم ايدلمى اوزرينه كتابه طاشى موزه يه نقل اولنش و ۲۲۱
 نومرويه قيد ايدلمشدر . بو كتابه موسى اليه موسيو هو آر ك قرا ئندن پك فرقلى اولمقله
 بورايه تكرار يازلدى :

(۱) هذه القبة تربة الفقير الى الله تعالى شهاب الدين عنبرالحسنى (۵)

(۲) زعيم الدار نورالله قبره وجعله يوم القيامة من الفائزين بلطفه

(۳) وكرمه بحرمه محمد نبيه عليه السلام فى غرة

المبارك سنة ثلث وستين وستماية
 احمد نوصير

(۲) مختصر ابن بى بى، صيفه ۲۴

(۳) » » » » »

(۴) (عنبرى) موسيو هو آر (عمر) اوقومشدر . بوندن صوكره كى كله (الحبشى) اوقوندينى
 كى (الجيشى) ده اوقونا بيلير .

(۵) Epigraphie. Arabe de l'Asie mineure, par Clément Huart. 1895